

Ministro Tico Croes a anuncia...

CUALKIER TRAHADOR DEN TURISMO POR GANA 50.000 FLORIN

ORANJESTAD (AAN): Den e ambiente masha ameno na ocacion di apertura di Aruba Hilton & Casino, diasabra ultimo, Minister di Turismo, sr. Tico Croes a anuncia e "Aruban award for quality service". E premio aki mester bira un incentivo pa tur esnan cu ta duna un of otro servicio hasi esaki di e forma mas profesional y amable posibel. E minister ta di opinion cu mayoria di hende lo duna mihor servicio simplemente pasobra nan kier presta mas y mihor. Sinembargo e ta kere cu un incentivo lo yuda. E premionan mes, Afl. 20.000 pa e tercer lugar, Afl. 30.000 pa e di dos lugar y Afl. 50.000 pa e promer lugar, a causa un reaccion enorme cerca tur esnan presente. "E premionan ta fabuloso", tabata reaccion di un manager conoci den sector di hotel. Y e a sigui bisando: "Esaki ta mas cu djis un incentivo.

Minister Tico Croes ta muestra cu esaki un seriedad grandi cu su intencion di hisa e calidad di nos servicio. Bo por conta cu e competencia lo ta grandi!" Otro reaccionnan di publico tabata "Ta prome biaha den historia di Aruba cu gobierno ta duna tanto atencion na turismo y ta muestra tanto seriedad den drecha turismo." "WOW, esaki ta increibel."

KEN TA BINI NA REMARCA: E premionan aki lo ta pa tur hende cu ta duna servicio, tanto directamente como indirectamente na nos turistanan. Minister Tico Croes a menciona cu lo selecta e personanan cu duna e mihor servicio posibel for di tur sector publico y priva. Nan lo mester worde presenta como candidatonan pa e premio "calidad den servicio" door di nan hefe di departamento of superior, cu un motivacion extense



pakico e persona ta bini na remarca pa e premio. For di e finalistanan e cuerpo di jurado lo scoge e ganadornan cu lo worde premia durante di e "Tourism week" 1995 na September otro aña.

CONTROL DI CALIDAD DEN TURISMO: Como parti di e maneho pa halza e calidad di nos servicio, minister Tico Croes, a anuncia un campaña di motivacion ariba calidad di servicio cu lo cuminsa na januari 1995 y lo sigui inde-

finitivamente. E campaña aki lo cubri tur sector di nos comunidad. Calidad di servicio na tur hende, turista y local, mester bira un punto importante di nos atencion den futuro. E campaña lo ta pa studiantenan, trahadornan local y di afo, hoben y adulto, empleado y managernan. Den e cuadro aki minister Croes a laga reorganiza e departamento di Control di Calidad di e departamento di turismo (Aruba Tourism Authority). E departamento aki lo mester introduci normanan y guianan nobo pa control di

calidad di establecimentonan, con pa trata kehonan di clientenan, publicacion di e kehonan, etc.

DINAMISMO: Atrobe Minister Tico Croes ta sorprende tur hende cu su forma dinamico y persistente den logra loke e y tur otro hende ta considera importantisimo pa Aruba y pa turismo en particular. Awor ta depende di nos companianan, nos departamentonan di gobierno, nos empleadonan y managernan pa sigui ariba e caminda cu minister Tico Croes a indica cu lo ta na beneficio di nos tur.

ANOCHI INFORMATIVO DI REIKI

ORANJESTAD (AAN): For di 16 pa 18 di December lo worde duna e ultimo curso di Reiki di e aña aki.

E curso lo ta na Papiamentu, y esun cu kier sa mas di Reiki ta worde invita pa un anochi informativo

Diaranzon 14 di December pa 7:30'or di anochi.

DIARIO a compronde cu na Januari lo tin curso di Reiki na Hulandes y na Spaño. Tambe lo bay tin Reiki II. Mas informacion por haya na 20579.

LABCO
MEDICAL AND
HOME CARE SERVICES

Cabuyastr. 5, Ponton
Tel. 26651 - 37156
Panoord di Esso Ponton

Bo lugar pa
HUUR Y BENTA
di Producto Medico

- Habon special pa patient
- Producto pa Sterilisatie
- Producto pa Therapie Oxigeno
- Saco pa Urina (3 sorto)
- Exam y Vinyl Handschoen
- Cama Manual (rails y matras)
- Papagaai
- Walkers (3 sorto)
- Baston (garoti 4 pata)
- Po-Stoel (2 sorto)
- Aluminium Kruk
- Wandelstok
- Rolstoel (3 sorto)
- Bruki pa adulto
- Catheter (3 sorto)

NOS TA HUUR PA DIA,
SIMAN OF LUNA ENTREGA
Y INSTALACION GRATIS!

SPECIAL
ONE TOUCH
MONITOR SYSTEM
pa check diabetico
AWOR SOLAMENTE Afl. 195.00

AKI NO TIN BASILON PA BASILA BASILIO!!!

